

清史綱要

一

清史綱要

中華民國二年一月出版

清史綱要

上海商務印書館藏版

清史綱要例言

本書就前清一代事實擇其關係重大及足資考證者提綱挈要按年編次以供學校及自修者研究近代史之用且備修有清一代正史者參考之資

本書書法悉依後代修前朝史通例凡稱帝稱諡稱我依名從主人之例悉仍不改惟滿清未入主中華以前諸主或稱名或稱清主沒時稱殂至世祖以後則稱帝稱崩以清界限

凡人民抵抗官吏之舉動大都由政治不良而起卽有一二魁傑但爲少數人謀私利並非救民水火亦究與尋常竊盜行爲不同在官書往往稱聚衆暴動者爲寇賊爲逆匪甚至有以此等字樣施之外國及別種部落本非受治者其實成則爲王敗則爲寇本無定位本書大半採自奏報公牘於此等稱謂就行文之便未能盡改惟已酌刪其尤甚者至明末諸帝事實清代官書奏報亦有稱爲賊寇及加僞字者則悉已刪改

雍乾諸帝文字之獄及戮辱宗室大臣等事及慈禧太后專政事實皆據事直書凡向來曲筆盡行刪除

本書道光以前各卷脫稿於數年前故詞意既多遷就隱諱而頌揚粉飾之記載亦不能盡去付印時已由校訂者大加刪削改正但恐尙有遺漏及刪改未盡之處讀者不以詞害意可也

道光以前各卷由吳君曾祺編輯咸豐以後各卷由同人續編雖體例之苟可仍用者皆仿照前例以歸一律惟事實則特別加詳且前後貫串以期每事之首尾均得完全記載蓋遠略近詳本史家通例故自十一卷以後卷帙稍繁

本書記載範圍均就事實之輕重爲斷如大學士雖無實權而位居百揆之首故除授出缺必書軍機處爲政權所自任免之際亦必詳著咸同以後外交日亟總理各國事務衙門實當交涉之衝地位之崇幾埒軍機故詳著其管理及行走之人同治兵興以來督撫權重故又書總督之除免光緒末年變更官制勵行中央

集權於是又及各部尙書之遷調凡此皆就當時時勢所趨重以爲詳略此外皆可以此類推

編年記載之籍於一代有名人物身沒之際往往綜其一生行事括爲小傳並加論贊本書亦略仿其例惟多採取通行可信之書所引必有來歷無一語爲編輯者以己意自撰至光緒中葉以後諸大臣雖於歷史上極有關係因爲時太近尙無翔實之記載可信之論定可以援引故僅著晉贈予諡等典禮不復論述其生平

一本書所記均繫月日其日期不明者卽附於每月之下同日有數事者另行並列不再著甲子

一向來文章家記事往往忽略時日官書奏報尤多遷就本書既係編年體裁不能不詳著月日惟或就事之始期或從宣布之日或綜記於事畢之際記載既不能一律卽不免有前後錯誤之處又有明知重要之事例應記載而徧查失其年

清史稿卷一百一十五
月竟至無從加入遂不得不暫闕者海內熟習前清掌故諸君能就所聞見詳晰
開示俾再版時得更正加入實爲厚幸

清末民軍起事原委當讓之中華民國開國史詳細記載故本書但就事實之結
果撮要記錄不復窮其本末

一本書編輯非出一手參考之書既不能網羅無遺國史館實錄等存稿又不獲
盡窺其間疏漏舛誤之處知不能免尙望海內宏達有以教之

中華民國二年一月商務印書館編譯所識

清史綱要目錄

卷一 起順治元年訖八年

卷二 起順治九年訖十八年

卷三 起康熙元年訖二十三年

卷四 起康熙二十四年訖六十一年

卷五 起雍正元年訖十三年

卷六 起乾隆元年訖十九年

卷七 起乾隆二十年訖四十年

卷八 起乾隆四十一年訖六十年

卷九 起嘉慶元年訖二十五年

卷十 起道光元年訖三十年

卷十一 起咸豐元年訖十一年

卷十二 起同治元年訖十三年

卷十三 起光緒元年訖二十年

卷十四 光緒二十一年訖宣統三年

清史綱要卷之一

滿洲先世居長白山。山高二百餘里。縣亘千餘里。山上有潭曰闕門。周八十里。鴨

綠混同愛濶三水出焉。相傳有布庫里雍順者。姓愛新覺羅氏。始居長白山之東。

俄漠惠之野。鄂多理城。國號滿洲。數傳。遭國人內亂。舉族被戕。幼子范察僅以身

免。又數傳至都督孟特穆。後追諡誘誅仇人。盡復故地。又三傳至都督福滿。後

諡與祖生覺昌安。後追諡盡收蘇克蘇濟河西二百里內諸部落。國勢始大。自

都督孟特穆以下。皆居赫圖阿拉。距盛京二百七十里。是名興京。即明之建州右

衛也。覺昌安生塔克世。後追諡塔克世生三子。長努爾哈赤。即太祖高皇帝也。

當明萬歷十一年。有尼堪外蘭者。陰搆明總兵李成梁。引兵攻古勒城。城主章京

阿太妻爲覺昌安長子禮敦之女。覺昌安聞有明兵。恐女孫遇害。偕塔克世往迎

之。俱爲成梁所殺。努爾哈赤時年二十五。滿洲人稱之曰聰睿貝勒。起兵征尼堪

外蘭。克圖倫城。尼堪外蘭走入明邊。遣人索之。明人執送努爾哈赤。遂與明通。明

封努爾哈赤爲龍虎將軍。

是時諸國分裂。滿洲國之部五。

蘇克蘇
完顏棟鄂哲
蘇河渾河

長白山之部二。訥
鴨綠東海之部

三。

渥集瓦爾喀

扈倫國之部四。

葉赫烏拉
輝發哈達

皆金代部落之遺。努爾哈赤先統一滿洲

五部。諸部懾懼。合兵來攻。是爲九國之師。努爾哈赤大破之。已而長白山東海諸部。先後皆擒服。而與扈倫爲敵國。哈達旋來降。烏拉輝發俱滅。惟與葉赫交兵。萬歷四十四年。貝勒等以努爾哈赤功德日盛。尊爲覆育列國英明皇帝。以是年爲天命元年。

葉赫見諸國皆滅。恐不能自存。屢求援於明。明人亦欲扶植葉赫。以分其勢。故常以兵助之。努爾哈赤乃決意侵明。臨行書七罪告天。是爲第一次侵明之師。撫順清河相繼下。明人大恐。遣楊鎬經略遼東。分四路夾攻。努爾哈赤禦之薩爾滸山。覆其師二十萬。遂滅葉赫。明逮楊鎬治罪。以熊廷弼代之。廷弼始倡固守之策。滿洲亦罷兵年餘不攻。明人短廷弼者爭咎其怯。乃罷廷弼而用袁應泰。應泰不知

兵。滿洲知經略易與。遂攻瀋陽。陷之。未幾。遼陽亦破。自興京徙都焉。卽盛京也。努爾哈赤在位十一年而殂。子皇太極立。卽太宗文皇帝也。改元天聰。此時蒙古插漢部林丹汗士馬彊盛。各部惡之。盡附於滿洲。皇太極親統大軍。出其不意。逾內興安嶺千三百里。直至其庭。林丹汗不戰而潰。走死於青海之大草灘。滿洲收其部落數萬而還。明年。其子額哲以傳國寶降於滿洲。於是蒙古四十九貝勒及土默特兩旗。合上尊號。改天聰十二年爲崇德元年。國號大清。崇德八年。皇太極殂。子福臨立。卽世祖章皇帝也。以明年爲順治元年。時福臨甫六歲。鄭親王濟爾哈朗睿親王多爾袞輔政。

順治元年甲申三月乙丑。清主命睿親王多爾袞爲奉命大將軍。率師取明山海關外地。並經略中原。先是二月初。明以流寇內逼。用薊遼總督王永吉議。盡棄關外諸城。召寧遠總兵平西伯吳三桂統邊兵入關。衛京師。三桂徙寧遠兵民五十萬衆而西。日行數十里。抵豐潤。聞燕京已陷。不敢前。又聞家口被掠於賊。而賊已

遣降將唐通白廣恩率兵二萬東攻灤州。向山海關。乃回兵擊潰賊衆。急遣使至多爾袞軍前乞師。時多爾袞尙未至寧遠。得三桂書。卽日進兵。途次復得三桂趣兵之請。並程而進。距山海關外十里。李自成方自將精銳二十萬。東擊三桂。又分二萬騎繞出關外夾攻。多爾袞令英王阿濟格豫王多鐸。各將萬騎。由東西水關分道入。而自以大軍繼進。敗賊前鋒於關外一片石。三桂率親兵五百出謁多爾袞。卽軍中薙髮爲誓。多爾袞令三桂兵各以白布繫肩爲號。三桂開關出擊賊。殺傷相當。翌日大戰。賊衆自北山橫亙至海。滿洲與三桂兩軍對賊而陳。三桂軍其右。滿洲軍其左。尙不及賊陳之半。多爾袞命三桂先戰。衝其中堅。而滿洲軍蓄銳以待。是日自成挾明太子諸王於西山立馬觀戰。賊張兩翼圍三桂數重。三桂軍人人血戰。衝盪數十合。呼聲震海嶠。及午。塵沙山起。怒若雷霆。兵賊不辨。滿洲軍大呼者三。風止。阿濟格多鐸率鐵騎橫躍入陳。所向摧陷。俄塵開。賊見甲而辮髮者。曰滿洲至矣。自成策馬先走。羣賊望之皆潰散。逐北數十里。斬獲數萬。自成遁。

五月己丑。多爾袞至燕京。故明文武諸臣皆出迎五里外。下令禁兵士入民家。百姓安堵。秋毫無犯。

爲明崇禎帝發喪。令官民各服喪三日。諭禮部太常寺以禮改葬。旋命設明長陵以下十四陵司香內使各官。

令在京內閣六部都察院衙門官員。俱以原官同滿官一體辦事。其印信俱並鑄滿漢字。

己亥。捷奏至盛京。清主率鄭親王濟爾哈朗。暨諸王貝勒羣臣祭告天地。御殿受朝賀。頒詔朝鮮及蒙古。

多爾袞定議建都燕京。遣輔國公屯齊喀和託等。齎奏奉迎。九月乙亥。清主發盛京。癸未。次廣寧。癸卯。駐通州。多爾袞率諸王貝勒貝子公及文武大臣迎駕。甲辰。清主至京師。

十月乙卯朔。清主親詣南郊。告祭天地。卽皇帝位。初頒時憲曆。頒詔中外。盡除明

季加派稅餉廠衛諸弊政。

命文臣衣冠暫從明制。

己亥。建堂于於玉河橋東。滿洲起自遼瀋。有設竿祭天之禮。又總祀社稷諸神祇於靜室。名曰堂子。

加封多爾袞爲叔父攝政王。

丁卯。加封鄭親王濟爾哈朗爲信義輔政叔王。復肅親王豪格爵。晉封武英郡王。阿濟格豫郡王多鐸俱爲親王。貝勒羅洛宏爲衍禧郡王。碩塞爲承澤郡王。吳三桂孔有德耿仲明尙可喜俱受賜有差。

時明福王由崧已卽位於南京。改元宏光。由崧神宗之孫。福王常洵子也。北京旣覆。南京大臣議所立。皆屬意潞王常淂。鳳陽總督馬士英密與黃得功劉良佐高傑劉澤清等謀。以兵送福王至儀真。諸臣乃不敢異議。福王旣立。遣其臣左懋第馬紹愉陳洪範齎書幣通聘於滿洲。並海運米五萬石銀五萬兩餉吳三桂軍。滿

洲却之。旋遣陳洪範南還。洪範於途次具密啟。請留同行之左懋第馬紹愉。自願率兵歸附。並招徠南中諸將。從之多爾袞致書史可法。招之降。可法報書不屈。

李自成之由山海關遁還京師。僭帝號於武英殿。盡滅三桂家。焚宮殿及九門城樓。詰旦挾其子定永二王西走。時畿南土寇紛起。山西山東河南聞自成敗。皆殺賊官吏。復爲明。旣而直隸巡撫衛國允沈文奎。先後削平大名順德廣平山寨之賊。都統葉臣等出固關。進平三晉。所至迎降。擒僞伯陳永福於太原。敗僞總兵李過於大同。巡撫馬國柱進勦汾州平陽之賊。山西悉平。肅親王豪格駐軍濟南。遣兵破青州。斬賊趙應元。又平滿家洞之賊。山東諸郡悉平。自成已由晉入陝。清廷議大舉討賊。分兩路出師。以英親王阿濟格爲靖遠大將軍。同吳三桂尙可喜等。由大同邊外會諸蒙古兵赴榆林延安。出陝西之背。以豫親王多鐸爲定國大將軍。率孔有德等。由河南夾攻潼關。約會於西安。旣而豫親王之軍以十二月渡孟津。走賊將張有聲於洛陽。收沿河寨堡。進陝州。破賊將張有曾於靈寶。盡收關外。

地自成盛兵潼關。爲守禦計。

十一月。以湯若望掌管欽天監。

以中原平定。遣朝鮮國入質世子李湮歸國。

十二月辛巳。有劉姓者。自稱明崇禎太子。內監楊玉爲易服。送至故明周后父周奎家。時崇禎帝公主亦在奎所。相見掩面泣。奎奏聞。令內院傳故明貴妃袁氏及東宮內監官屬等辨視。皆不識。問以宮中舊事。亦不能對。因下法司覆勘。稱爲假冒。楊玉等十五人皆棄市。

順治二年乙酉。朝鮮來貢。天命之世。明兵來攻。朝鮮以兵助明海蓋軍。明兵敗。朝鮮大將姜宏立降。旋歸之。朝鮮不報謝。屢出師襲沿海城寨。天聰元年。命貝勒阿敏率師往征朝鮮。遣使議和。約爲兄弟之國。及皇太極受尊號。獨朝鮮不肯擁戴。遂親率師往征。朝鮮諸道皆沒。國王李倬懼。屢上書請成。詔令其納明所給誥命冊印。委身歸命。質二子。奉正朔。歲時貢獻表賀。一如明制。倬頓首受命。乃班師。皇